

清夢外史精

卷一百九十五至卷一百九十九

弟

一

百

冊

圖書集成
醫部全錄
卷一百一十五
醫部全錄
卷一百一十五

清季外交史料

附索引及西巡大事記



中華民國二十一年一月出版

總發行 王希隱

北平迺茲府關東甸七號

版權所有 翻印必究

清季外交史料卷一百九十五

光緒三十一年十一月下至十二月

目錄

署黑龍江將軍程德全奏陳東省中俄交涉善後情形請飭核議釐

訂摺十一月二十日

德使穆默致外部鈔送北京使館界內章程函

附章程及道路規章二十三日

中日會議東三省事宜正約附附約二十六日

外部奏新設駐和專館核定常年經費摺十二月初一日

直督袁世凱等會奏膠州高密撤退德兵訂立善後條款摺附條款暨

工程賣契初二日

外部奏中日議訂條約請旨批准以備互換摺十五日

署黑龍江將軍程德全奏東事日亟宜全力經營摺十六日

直督袁世凱奏秦王島口岸增設常關以杜繞越摺二十三日

直督袁世凱奏秦王島口岸增設常關以杜繞越摺二十三日

直督袁世凱奏秦王島口岸增設常關以杜繞越摺二十三日

中日會議東三省事宜並陳俄國情形十六日

駐劄朝鮮總辦奏准給發北京對前界內邊界圖

駐劄朝鮮總辦奏准給發北京對前界內邊界圖

署黑龍江將軍程德全奏刺東省中對交商善後計議並請飭部

日 給

清季外交史料卷一百九十五

清季外交史料卷一百九十五

男希隱亮編

黃巖弢夫王彥威輯

孫孝章敬立校

署黑龍江將軍程德全奏陳東省中俄交涉善後情形

請飭核議釐訂摺

署理黑龍江將軍程德全奏爲瀝陳東省中俄交涉善後情形請旨飭部及時核議釐訂藉圖補救事竊維東三省興修鐵路後凡路線所經之地皆華俄雜處之區爲近世互市一大變局其情形本與通商口岸不同迨庚子俄軍入境益復喧賓奪主退兵之議未決俄日之釁旋生

泯泯勞勞以至今日現在兩鄰和成長春府南至旅順之鐵路歸日經理府以北鐵路歸俄經理東三省地面仍交還中國俄報刊布中外咸知信如斯說鐵路劃分界限舊約必多變更所謂交還地面之言亦恐毫無實際故臣等前將籌擬鐵路全局大概情形附片陳明蓋非此不能伸自立之權而挽積重之勢也茲再謹爲我皇太后皇上縷晰陳之一請設總辦大臣查東三省鐵路原約係中俄合股由道勝銀行承修本名爲東清鐵路朝廷未嘗以地假俄俄亦未嘗假地於我也是以特派大臣爲總辦凡關涉鐵路事宜該公司稟承總辦核定公司所有圖戳則標用漢文旗幟亦繪龍形深得春秋實與而名不與之義自庚子亂後鐵路歸俄武營經理公司悉聽營中指揮竟置中國於局外幾於

名實俱去矣臣等前奏請於哈爾濱專設道員一缺固爲挽回利權然不過辦理吉江兩省交涉而於公司仍難事事干預且於日本經理之鐵路不能過問應請簡派總辦東三省鐵路大臣一員總攬鐵路全局遇事由其主持以專責成

一稽查修路本利原定鐵路合同第十二條內載自路成開車之日起三十六年後中國政府可以按計所用本銀並因此路所欠債項及利息照數償還其公司所賺之利除分給各股人外如有贏餘應作爲已歸之本在收回路價內扣除等語鐵路用款浩繁本多弊混若遲以歲月愈多葛藤恐三十六年後中國雖欲取贖無從著手應請自開工之日起至修路六年限滿之日止所有路工用過銀錢數目由總辦大臣

飭令銀行造具銷冊存查其限滿以後公司所得贏餘由銀行按年冊報總辦以爲將來扣算歸本地步

一商訂關口捐稅原定鐵路合同雖有運貨應照各國通商稅則分別交納進口出口正稅則減三分之一交納一條而俄商則以未奉彼國示諭爲詞不服查驗華商則又以俄人爲護符隱漏稅款將來如何分別洋商華商徵收出口進口各稅之處應請查照原訂合同參酌各國通商辦法重訂專約藉塞漏卮至鐵路界內華人商務悉由中國主持仍按華例完納捐稅俄人不得干預阻撓以維利權

一商派俄國領事公司係屬商務不應管理詞訟前總辦鐵路公司大臣許景澄因俄無交涉專員是以許給總監工代辦詞訟職權前吉林

將軍長順前署黑龍江將軍薩保更訂鐵路交涉局章程遂亦因之皆係一時權宜之計應商請俄國政府特派領事官一員駐紮哈爾濱會同關道專辦華俄交涉詞訟公司一概不得干預並參酌各國領事官辦法另定約章即將前定章程聲明作廢以免公司爭執

一限定佔用地畝鐵路歷年展佔吉江兩省地畝每一火車站多者數萬畝少亦數千畝皆非公司勢所必需不過以鐵路爲名設肆招商坐收地租之利計自哈爾濱南抵長春各車站塵閭撲地已成確不可拔之基中國之力旣不能隳其成功而俄又以壓力行之有不得不勉從其發價之請者蓋時勢使之然也此外自哈爾濱東至綏芬河北至滿洲里雖已埋樁指界尙未一律修齊曾經歷任將軍及臣等迭次力爭

公司置若罔聞惟地價尙未交由華官發給猶可設法挽回應由總辦大臣核定除各站經官發價之地毋庸置議外其東路北路按照現有各車站大小酌定佔地多寡祇須鐵路敷用作爲公司租界其溢於定數以外之地商定退還並訂明嗣後無論何時永遠不再展佔

一約定護路俄兵俄國護守鐵路之兵勢不能責令與前敵一律撤退惟兵數須有限制界限尤貴分明先行明定章程凡每車站護兵若干不妨報知總辦大臣稽覈如鐵路界內潛藏華犯由華官知會俄官協拿其路界外警察緝捕乃係中國專責俄兵不得越俎以免騷擾

一禁止俄商佔地光緒二十七年鐵路公司三次展拓哈爾濱總車站界佔地過多經長順爭之逾年始將沿江傅家甸一帶索還而在先已

有俄商蓋房生理者阻固無及逐又未能從而置之非得已也雖曰事出權宜難保俄不援以爲例更難保各國商人不援俄以爲例將來換定新約時應將嗣後俄人不得越鐵路界外租佔華地違者有罰特別聲明以免再生枝節

一另訂行船約章原約本有黑龍江烏蘇里河只准中國俄國行船各別外國不准由此江河行走一條此指兩國交界處共管之江河而言今則商務開通俄人更以鐵路運料爲名凡中國界內江道彼亦任意駛輪無從阻遏而原約又未議及收稅遂得藉口不服關卡盤查應詳細商訂黑龍江松花江行船約章俾俄商咸就範圍而課稅無虞隱漏一盤查俄國匪類鐵路成後四通八達俄人出入於東三省無異戶庭

而其國之無業游民因遂溷入華地勾結不肖通事偷竊搶掠無所不爲實爲地方之害應商明嗣後俄人來華須有俄官發給憑照於入中國第一關卡聽候華官查驗放行倘不服盤查或無憑照者准華官拿交俄邊界官或領事官嚴究懲辦以遏亂萌

一索還備戰各地日俄開釁之時俄人每於扼要地方節節挖壕溝砌礮臺添築馬路車路任意佔毀民地戰事方殷雖阻之不顧也目下和局已定所佔曠野之地尙無慮久假不歸所慮車站附近各區昔日欲佔而無詞者今必將據爲已有應先與訂明凡因戰事佔用之地仍應歸還地主公司不得藉此接佔以恤民艱以上各節均係吉江兩省中俄交涉必不可緩之圖其奉省鐵路旣歸日本管理交涉一切當亦亟

宜釐訂誠能乘此大局甫定斟酌變通與之更始雖痛深創鉅往者已不可追而亡羊補牢及今猶未爲晚救敝起衰繫此一舉合無仰懇天恩飭下外務部通籌全局照會日俄政府及駐京公使換訂新約庶幾遇事得所遵循主權利益不至盡爲所持則臣等幸甚大局幸甚謹奏
光緒三十一年十一月二十日奉旨留中

德使穆默致外部鈔送北京使館界內章程函

附章程及規章

逕啟者近來本大臣屢次聞得人言使館東界內有華人違各國巡警章程譬如華兵在界內馳馬甚速及華車人力車等日落後行走均不點燈燭等事本大臣因恐界外華人不知界內巡警章程今特將各國在使館界章程一分函送貴部請轉飭一體遵照以免將來再有錯誤

爲荷除將此章程一分已送巡警部外相應函達即請查照

十一月二十三日

北京使館洋界巡捕章程

一各國衛隊統帶日後互商分定區域若干段每段由本國巡捕兵稽

查一切

二各國衛隊統帶應遵現定章程各在本段設立保安局

三每三個月由衛隊兵官輪派一人辦理巡捕事宜

此項差使於第五節六第九節內詳明

四巡捕兵之右膊上帶有紅色布圈上寫P字值日之時祇許用木棍

步行不許持鎗設該衛隊統帶因夜內有緝查責任須令巡捕兵携

帶手鎗亦可照辦巡捕兵巡夜時兩人爲一排

五巡捕兵查訪犯罪之人暨違犯規條之人屆時須先查其人爲如何

人或中或外先將姓名履歷問清然後拿獲再行申報

六設所拿之人爲各國兵營中人即交該本國軍官核辦倘係別項外人即送至各本國使館設爲華人即交值班之巡捕官當速設法轉交中國巡捕局辦理

七巡捕兵使用軍械須遵各本國軍律不得隨便佩帶凡巡捕兵除因自衛外不准擅自毆人

八衛隊統帶須將二十四點鐘之內本段所出之事報告巡捕官每月底彙報辦事處十一月二十三日

北京使館內巡捕道路規章

第一條 道路上凡一切有違號令風化以及有害公衆平安之舉動

清季外交史料卷一九五 六
一律禁止 放煙火爆竹尤爲禁止

第二條 使館界內禁止開設賭局鴉片煙館妓館又除各兵營內之酒館外不准開設酒舖如遇此等情形立由辦事處飭令封閉店主絕不得索賠該管各員應恪守辦事處所定各章行事

第三條 使館界內禁止乞丐

第四條 辛丑和約因保護使館所許城牆一段不准華人經過其上中國兵丁非經中國官預先知會辦事處者雖不帶軍器亦不准經過使館界內惟遇中國官員赴各使館拜往者其隨帶之人以及護送貨幣赴銀行之兵丁不在此例

第五條 使館界內道路一經修整後凡中國車輪上帶釘刺者不准